

Nunat Avannarliit Killiit Siunnersuisooqatigiiffiata aalajangersagaa nr. 4/2009 Inatsisartunit taperserpeqarnissaa pillugu Inatsisartut aalajangiiffigisassaattut siunnersuut, aalajangersagaq ima oqaasertaqarpoq:

**Nunani avannarlerni killerni ungasianit ilinniartitsineq pillugu pisortatigoornerusumik suleqatigiinnermik misilittagaqarfiusussamik tunngavissiisumillu misiligutitut suliniummik aallartitseqqullugit Islandimi, Savalimmiuni aammalu Kalaallit Nunaanni naalakkersuisut Nunat Avannarliit Killiit Siunnersuisooqatigiiffiannit kaammattorneqarput.**

(Josef Motzfeldt, aallartitat siulittaasuat)

### **Akissuteqaat**

(Kultureqarnermut, Ilinniartitaanermut, Iisimatusarnermut Ilageeqarnermullu Naalakkersuisoq)

### **Aappassaaneerpeqarnera**

Naalakkersuisut ataatsimiititaliap siunnersuummik tapersiinera qujaruppaat.

Taamaattoq Naalakkersuisut sinnerlugit aningaasaqarnermut tunngatillugu erseqqissassavara, Naalakkersuisut taamaallaat neriorsuutigimmassuk, misiligutitut suliniutip aallarnissarneranut aningaasartuutit konto pingaarneq 40.94.15, Nunani Avannarlerni Killerni suleqatigiinneq, atorlugu aningaasalerneqarsinnaasut.

Siullermeerneqarnerani oqarpunga:

*Kalaallit Nunaata peqataanerata aningaasaqarnikkut kingunerisassaanut tunngatillugu oqaatigineqarsinnaavoq misiligutitut suliniummik aallartitsinermi aningaasartuutit annertungitsussatut naatsorsuutigineqarmata taakkulu kontukku 40.94.15-ikkut, Nunani Avannarlerni Killerni suleqatigiinneq, aningaasalersorneqarsinnaassallutik.*

Suliniutip aallarnissarneranut atatillugu aallarnisaataasumik oqallinnerni ilimagineqarpoq suliniummi anguniakkat nalileeriaatsillu qulaajarneqassasut, taamatullu ilimagineqarluni aningaasaqarnermut tunngasut qulaajarneqarumaartut.